

**Ysgol Gynradd
Gatholig y
Santes Fair**

**Polisi Derbyn
Derbyniadau i'r
Dosbarth Derbyn
2022**

Mae Polisi Derbyn yr ysgol yn seiliedig ar ofynion y ddeddfwriaeth addysg cynradd ac uwchradd sydd mewn grym, ac yn arbennig:

Cod Derbyn i Ysgolion – Cod Statudol 005/2013

Cod Apeliadau Derbyn i Ysgolion – Cod Statudol 007/2013

Dogfennau a gyhoeddwyd ym mis Gorffennaf 2013 ac Ionawr 2014 yn y drefn honno (Llywodraeth Cynulliad Cymru)

Deddf Safonau a Fframwaith Ysgolion 1988 - hawl dewis y rhieni (a86(1)) a'r hawl i apelio.

Y Ddeddf Addysg 2002 - diddymu'r hawl i gyfyngu mynediad yn seiliedig ar gyfran o blant o'r tu allan i'r grŵp ffydd

Y Ddeddf Addysg 2005 - blaenoriaeth ar gyfer Plant sy'n Derbyn Gofal.

Y Ddeddf Addysg ac Arolygiadau 2006 (adran 44) - gwaharddiad ar gyfsweld rhieni a phlant.

Rheoliadau Addysg (Penderfynu ar Drefniadau Derbyn) (Cymru) 2006.

Cyhoeddir canllawiau anstatudol hefyd gan Esgobaeth Wreccsam.

Mae'r gyfraith yng Nghymru yn nodi nad yw'n ofynnol i blentyn ddechrau mewn ysgol nes dechrau'r tymor yn dilyn pen-blwydd y plentyn yn bump oed. Yn Ysgol y Santes Fair bydd plant pedair oed yn cael eu derbyn i'r Dosbarth Derbyn ym mis Medi yn y Flwyddyn Ysgol lle byddant yn dathlu eu pen-blwydd yn bump oed. Y dosbarth derbyn yw'r flwyddyn dderbyn arferol i'r ysgol.

Mae trefniadau yn y ddeddfwriaeth i ymdrin â cheisiadau yn ystod y flwyddyn i ddosbarth derbyn a grwpiau blwyddyn eraill. Bydd Panel Derbyn y Corff Llywodraethu yn ystyried y rhain yn unigol ac yn ymateb o fewn 10 diwrnod gwaith o'u derbyn.

Mae trefniadau derbyn ar wahân ar gyfer y dosbarth meithrin ac ni fydd hyn yn rhoi hawl i blentyn gael lle yn y dosbarth derbyn.

Mae'r ALI wedi gosod y Nifer Derbyn drwy fformiwla i 41. Bydd y Corff Llywodraethu yn derbyn hyd at y nifer hwnnw heb unrhyw amodau, waeth beth fo'u crefydd. Rhaid gwneud ceisiadau am le yn yr ysgol ar ffurflenni ALI priodol ar-lein a'u dychwelyd i'r ALI erbyn y dyddiad a gyhoeddwyd ar yr hwyraf. Yn ogystal â hyn, mae'n rhaid dychwelyd ffurflenni 'Gwybodaeth Ategol' yr ysgol ddim hwyrach na'r dyddiad a gyhoeddwyd.

Os yw'r ysgol wedi'i henwi mewn Datganiad Anghenion Addysgol Arbennig / Cynllun Datblygu Unigol (IDP), mae gan y Corff Llywodraethu ddyletswydd i dderbyn y plentyn.

Os yw'r Corff Llywodraethu, fel Awdurdod Derbyn, wedi cynnig lle ar sail cais twyllodrus neu sy'n fwriadol yn camarwain gan riant, yna bydd y cynnig yn cael ei dynnu'n ôl.

Pan fo lle wedi'i dderbyn drwy dwyll a bod y plentyn wedi dechrau yn yr ysgol, bydd hyd eu cyfnod yn yr ysgol, yn cael ei ystyried cyn gwneud unrhyw benderfyniad i dynnu eu lle yn ôl.

Mwy o geisiadau am le na'r lleoedd sydd ar gael

Os yw nifer yr ymgeiswyr yn rhagori ar y Nifer Derbyn, bydd y Panel Derbyn a benodir gan y Corff Llywodraethu yn cymhwyso'r meini prawf canlynol yn nhrefn blaenoriaeth:

1. Plant Catholig wedi'u Bedyddio sy'n derbyn gofal neu a oedd yn derbyn gofal cyhoeddus yn flaenorol.
2. Plant sy'n derbyn gofal neu blant oedd yn derbyn gofal yn flaenorol nad ydynt yn Gatholig.
3. Plant sydd â brawd neu chwaer yn yr ysgol ar y dyddiad derbyn. Gallai hyn fod yn frawd neu chwaer gyflawn neu llysfrawd neu lyschwaer ac mae'n cynnwys brodyr a chwiorydd wedi'u mabwysiadu neu eu maethu. Bydd y trefniadau derbyn yn sicrhau na fydd plant genedigaeth luosog yn cael eu gwahanu.
4. Plant Catholig wedi'u bedyddio o fewn plwyfi y Santes Fair Wreccsam, Llai (gyda'r Orsedd) a Rhiwabon (gyda'r Waun a Llangollen); plwyfi y mae'r ysgol yn eu gwasanaethu. Mae map o ardal tref Wreccsam sy'n rhan o Blwyf y Santes Fair ar gael ar gais gan yr Ysgol.
5. Gall yr Ysgol gwrdd ag anghenion cymdeithasol a bugeiliol plant wedi'u bedyddio'n Gatholigion yn well.

Ar gyfer plant Catholig yng nghategoriâu 1, 3 a 4 bydd angen i'r Panel Derbyn weld eu Tystysgrif Geni gwreiddiol a Thystysgrif Bedydd, ynghyd â geirda ysgrifenedig ar y ffurflen benodol gan Offeiriad y Plwyf.

Ar gyfer plant yng Nghategori 5, bydd y Panel Derbyniadau angen gweld tystiolaeth ategol gan feddyg, gweithiwr cymdeithasol neu'r AALI ynglŷn â pham mai dyma'r ysgol fwyaf addas ar gyfer y plentyn.

6. Plant o enwadau Cristnogol eraill, y mae gan eu rhieni ddyhead gwirioneddol iddynt gael eu haddysgu mewn ysgol Gatholig, ac yn llwyr gefnogi yr ethos Gatholig.

Bydd angen i'r Panel Derbyn weld Tystysgrif Geni gwreiddiol a Thystysgrif Bedydd, ynghyd â geirda ysgrifenedig ar y ffurflen benodol gan Offeiriad y Plwyf neu Weinidog yr Efengyl.

7. Plant o ffydd arall y mae eu rhieni yn dangos ymrwymiad i ethos yr ysgol. Bydd angen tysteb ysgrifenedig gan Weinidog yr Efengyl / arweinydd ffydd perthnasol.
8. Plant y mae'r ALI wedi gofyn i'r ysgol eu derbyn.

Os bydd yna fwy o geisiadau na nifer y lleoedd sydd ar gael yn unrhyw rai o'r categorïau uchod, bydd y Panel Derbyn yn cynnig lleoedd i'r plant sy'n byw agosaf at yr ysgol. Mesurir hyn yn ôl y pellter byrraf rhwng y cartref neu'r fflat/

cyfadeilad rhandy a giât agosaf yr ysgol, gan ddefnyddio priffyrdd cyhoeddus, ac fe'i cadarnheir gan y gronfa ddata a ddefnyddir gan Adran Gludiant yr ALI.

Pan na ellir cynnig lle oherwydd bod mwy o geisiadau na'r lleoedd sydd ar gael bydd yr Ysgol yn cynnal rhestr aros tan ddiwedd mis Medi.

Er bod deddfwriaeth yn nodi na ddylid cael dosbarthiadau gyda dros 30 o blant, mae canllawiau gan Lywodraeth Cymru ar gyfer blwyddyn dderbyn 2018 a thu hwnt yn caniatáu eithriadau ychwanegol i'r gofyniad mewn perthynas â

- Phlant sydd wedi derbyn gofal yn y gorffennol
- Plant personél y lluoedd arfog
- Gefeilliaid / plant genedigaethau lluosog

Gweithdrefnau ar gyfer Blwyddyn Dderbyn 2022

1. Bydd yr ysgol yn hysbysebu eu dyddiadau derbyn ym mhob plwyf y mae'n ei wasanaethu ym mis Medi 2021.
2. Gellir cael ffurflenni derbyn/mynegi ffafriaeth a'r ffurflen 'Gwybodaeth Ategol' oddi wrth yr offeiriad/gweinidog y plwyf ar gyfer 2022 oddi ar wefan CBSW ym mis Medi 2021. Dylid llenwi'r cais ar-lein a dylid dychwelyd y ffurflenni gwybodaeth ategol i'r ysgol ddim hwyrach na'r dyddiad a gyhoeddwyd.
3. Bydd yr Ysgol yn trefnu ymweliadau i rieni sydd wedi dewis y Santes Fair: ar gyfer rhieni nad ydynt yn Gatholigion bydd hyn yn cynnwys cyflwyniad i natur Gatholig yr ysgol, ei hethos a darpariaeth y cwricwlwm.
4. Bydd rhieni'n cael gwybod erbyn 19 Ebrill 2022* a oes lle wedi'i ddyrannu ai peidio.
*Bydd y dyddiad hwn yn cael ei ddiwygio i gyd-fynd â'r dyddiad derbyn cyffredin a osodir gan yr ALI yn eu polisi Derbyn.
5. Os yw'r cais yn aflwyddiannus, mae gan y rhieni hawl i apelio i Banel Apelio Annibynnol. Os na fu modd dyrannu lle i blentyn, bydd rhieni'n cael gwybod am yr hawl hwn yn y llythyr penderfyniad.
6. Gofynnir i rieni sy'n dymuno apelio gysylltu â Chadeirydd Llywodraethwyr yr ysgol yn gyntaf a bydd yntau'n egluro sut y gallant gysylltu â'r Panel Apelio Annibynnol.
7. Mae'n rhaid cyflwyno unrhyw apêl yn ysgrifenedig ddim mwy na 20 diwrnod gwaith ar ôl derbyn y llythyr dyrannu. Bydd apeliadau'n cael eu clywed o fewn 30 diwrnod ysgol o'r dyddiad cau a nodwyd ar gyfer derbyn apeliadau.

Pan na ellir cynnig lle oherwydd bod mwy o geisiadau na'r lleoedd sydd ar gael bydd yr Ysgol yn cynnal rhestr aros tan ddiwedd mis Medi.

Nodiadau

1. Bydd angen i'r Corff Llywodraethu gadarnhau y trefniadau derbyn yn **2022** erbyn 15 Ebrill 2021.
2. Mae'r Corff Llywodraethu eisoes wedi ymgynghori yn ffurfiol ar ei bolisi ar gyfer Derbyniadau yn 2019 gyda Chorff Llywodraethu Ysgol Gynradd Gatholig y Santes Anne Wrecsam fel Awdurdod Derbyn ar gyfer yr ysgol, a gydag Awdurdodau Lleol Wrecsam, Sir y Fflint a Sir Ddinbych, ynghyd ag Esgobaeth Wrecsam.
3. Cododd yr ymgynghoriad materion o fanylion gan yr ALI a oedd yn ei gwneud yn ofynnol i'r Corff Llywodraethu wneud newidiadau mân i'r polisi.
4. Mae'r Polisi Derbyn ar gyfer 2022 yn union fel yr un a oedd yn flaenorol yn destun ymgynghoriad a bydd y Corff Llywodraethu felly yn penderfynu ar ei drefniadau Derbyn ar gyfer 2022 cyn 15 Ebrill 2021 a heb yr angen am ymgynghori pellach.
5. Rhaid i'r Corff Llywodraethu fel Awdurdod Derbyn anfon copi o'i drefniadau derbyn wedi'u penderfynu i'r ALI erbyn 1 Mehefin 2021 i ganiatáu iddynt gwblhau prosiectws cyfansawdd.
6. Bydd angen ystyried a phennu trefniadau ar gyfer mis Medi **2023** ac ar ôl hynny gyda'r un broses ac amserlen (yn amodol ar unrhyw amrywiad statudol). Mae'r Corff Llywodraethu wedi cytuno y bydd hon yn eitem sefydlog o Fusnes Llywodraethwyr yng nghyfarfod Tymor yr Hydref bob blwyddyn ysgol. Fel rhan o'r adolygiad blynyddol hwn, bydd y Corff Llywodraethu yn penderfynu'n ffurfiol a yw Ymgynghori yn unol â'r Rheoliadau yn briodol ai peidio.